

AWOR TA E "GRANDINAN" MES TA HAYA: HASTA CUANDO!!!

Aña aden aña afo nos artistanan ta wordo trata como limosnero riba e isla aki; nos artistanan ta wordo menosprecia; artistanan di exterior ta cana pasa riba nos artistanan y no tin un entidad di gobierno, ni fundacion, ni asociacion pa sali na vanguardia di nos artistanan.

Fin di siman cu a pasa, no ta nos artistanan chiquito, ni musiconan chiquito a "wordo trapa", sino e grandinan di nos mundo musical.

Un publico cu a paga 150 y 75 dollar pa mira cierto show a keda defrauda, pasobra nan no a mira e show pa cual nan a paga y cu a wordo promove.

NINGUN ARTISTA DI ARUBA no a actua den e show aki, kibrando asina tambe tur reglamento y stipulacion cu tin pa ora cu tin artista of agrupacion di afo, di cu artistanan local mester ta actua hunto cu e artistanan di afo.

NO POR SOUND-CHECK Y NO TIN PLACA

Pa e show fin di siman cu Montaner, ocho di nos musiconan di mas grandi a prepara tres siman largo pa presenta e anochi aki den Seaport Conference Center.

Diasabra cu nan mester a controla sonido, prome cu e show di anochi, nan a keda un banda manera un grupo di "soketon" pasobra Ricardo Montaner, mester "Ensaya" y finalmente nos musiconan no a mag di haci "soundcheck" mas.

Nan a reclama esey y ademas firmamento di e contrato, y kico a bin

resulta ?

E cantante di Corsow, Boy Thode a cobra su placa, Don Ricardo Montañer ta cobra su entre 50 y 70 mil dollar, pero pa e musiconan di Aruba "NO TIN PLACA".

POR FIN A PONE PIA ABAO

Cu tur nan razon, e musiconan di Aruba a pone pia abao y a keda sin toca e anochi aki y Jossy Brokke cu a mira con su musiconan local ta wordo trata tambe a para banda di "su hendenan" y no a actua tampoco.

Mi no a tende reclamo ainda di parti di e musiconan pa nan trece nan malcontento dilanti; mi no a tende si ASOMA lo bay hinca su mes den e asunto aki y sali na vanguardia di nos musiconan; mi no a tende si autoridadnan cultural cu ta controla presentacionnan di artistanan di afo a haci algo riba e asunto aki caminda cu "artistanan di afo ta actua pero cu artistanan local mester keda un banda".

E dianan aki lo mester bin mas informacion riba e asunto aki, y manera semper mi ta bisa: "Nos artistanan, riba tur tereno artistico mester cuminsa haya e respet cu nan merece. Mester stop di trata nos artistanan como mendigonan, buscadornan di limosna."

Pero nos artistanan tambe mester sa cu "a bira tempo pa nan lanta para y busca e respet cu nan merece riba nan isla".

Pa cuanto tempo mas mester wanta? Hasta cuando ?

Juby

Dama chofer herida despues di accident den Santa Helenastraat



ORANJESTAD(AAN): Un dama manehando un auto a keda herida despues cu el a bay dal contra un pilar di cas.

Segun por a saca afor ta cu e dama coriendo den su Corolla a bay lora na su man robaz pero no a pone atencion

cu for di pabao tabata bin un auto cu consecuencia cu e auto a dal den e Corolla cu e dama aden y despues e dama a bay dal contra e cura di e cas.

Despues cu polis a yega eynan nan a mira e situacion

y mirando cu e dama tabata

herida, nan a pidi presencia di un ambulans cu a hiba e dama hospital pa asina e haya

tratamento medico pa dolor na su nek.

DR. PABLO BRICEÑO PIMENTEL

FACS-FSAGES

Cirugia de la Vesicula biliar - Reflujo Esofagico
Colon-Utero y Ovarios Asistida por Video - Laparoscopia Clinica
el Avila 6a Transversal de Altamira, Caracas Lunes,

Miercoles y Viernes de 2 a 7 p.m.

Telefonos: Clinica 261 1444 - 2618083

276 1066 - 2761076

Habitacion: 2637329

Busca persona: 731 5111 - Clave 9800

Celular: 014 - 334441



Friday Nights in PALMS

6:00 p.m. - 11:00 p.m.

All the Beef & Chicken Fajitas you can eat

\$16,95

Your first Margarita
is complimentary!!

Mariachi Band



Reservations: 861234 ext. 37
service charge not included